



Emissiun da las patentas da pestga – Cumenzament da la pestga il 1. da favrer 2026 Ulteriuras emissiuns da las patentas da pestga han lieu l'avrigl.

La patenta po vegnir pajada tar ils survegliaders da pestga ed ils guardiaselvaschina cun cartas da debit sco MaestroCard, PostCard, cun cartas da credit sco MasterCard, Visa sco er cun TWINT.
Tar ils survegliaders da pestga ed ils guardiaselvaschina n'èsi betg pussaivel da pagar en daner contant!

En il Museum da la natira dal Grischun na po la patenta betg pli vegnir retratga!

Tar las preparativas per la stagiun da pestga tutga er la retratga da la patenta da pestga. Per pudair retrair la patenta per in onn u ina patenta mensila ston ins cumprovar ch'ins haja enconuschientschas da la pestga (attest obligatoric SaNa).

Butia online da l'Uffizi da chatscha e pestga

Da preferenza duai la patenta vegnir retratga sur la butia online sin la pagina d'internet da l'Uffizi da chatscha e pestga. Quai simplifitgescha la procedura da cumpra e reducescha il temp da consegna.
[UCP- Butia online](#)

App da pestga

La statistica da pestga na po betg mo vegnir manada cun il cudeschet da statistica, mabain er cun l'app da pestga dal Grischun. Cun retrair la patenta sto la pestgadra u il pestgader decider, sch'ella u el vul manar la statistica da pestga a maun u cun l'app. La moda d'endataziun tschernida vala per l'entira stagiun da pestga e **na po betg pli vegnir midada**. Infurmaziuns detagliadas per chargiar giu e per duvra l'app da pestga chattais Vus qua: [App da pestga - La pestga en il Grischun](#)

En il Fegl uffizial dal chantun Grischun dals 12 da schaner 2026 e sin la pagina d'internet da l'Uffizi da chatscha e pestga www.ajf.gr.ch èn publicads per ils singuls districts da pestga ils lieus, ils termins sco er las premissas per pudair retrair ina patenta. Sche terzas personas vulan retrair patentas per personas cun domicil en il chantun Grischun, ston ellas preschentar in attest da domicil personal da questas personas. Formulars correspundents pon vegnir chargiads giu da la pagina d'internet da l'uffizi da chatscha e pestga. En cas ch'ina persona fa ina dumonda en scrit per retrair ina patenta, sto ella medemamain agiuntar in attest da domicil.

Pajament senza daner contant

Las pestgaduras ed ils pestgaders che pon cumprovadain pajar mo en daner contant, han la pussaivladad da retrair la patenta cun pagar en daner contant tar l'Uffizi da chatscha e pestga, Ringstrasse 10, 7000 Cuir. Quai è pussaivel a partir dals 15 da schaner 2026 durant las suandantas uras: glindesdi: 15.00 – 17.30, mesemna 10.00 – 12.00, gievgia: 12.30 – 14.00.

Uffizis da pestga, nua ch'ins po retrair ina patenta da pestga:

District da pestga I Rain anteriur (Surselva, Plaun, Stussavgia)			pussaivladads da pajament	
lieu	post d'emissiun	emissiun da patenta	carta	contant
Trun	Piscicultura chantunala SdP Roland Tomaschett	mo sin preannunzia: 081 257 87 60	x	

District da pestga II Rain Posteriur, Rain Alpin (Schons, Avras, Mantogna, Tumleastga, Surses, Scanvetg, Val dal Rain da Cuira)			pussaivladads da pajament	
lieu	post d'emissiun	emissiun da patenta	carta	contant
Giuvaulta	Piscicultura chantunala SdP Curdin Meiler	ve 23-01-2026 16.30 – 18.30 ve 30-01-2026 17.00 – 19.00 Uschiglio vegn emessa la patenta mo sin preannunzia: 081 257 87 61	x	

District da pestga III Landquart, Landwasser, Alvra (Partenz, Landwassertal, Val d'Alvra)			pussaivladads da pajament	
lieu	post d'emissiun	emissiun da patenta	carta	contant
Claustra Plaz	Piscicultura chantunala SdP Thomas Reidt	mo sin preannunzia: 081 257 87 66	x	
Tavau Plaz	uffizi d'urden, chasa- cumin	a partir da ve 23-01-2026 gli: 08.30 – 11.30 13.30 – 18.00 ma fin gie: 08.30 – 11.30 13.30 – 17.00 ve: 08.30 – 16.00	x	x

UFFIZI DA CHATSCHA E PESTGA DAL GRISCHUN

Cuira, ils 29-01-2026